



ԱՌԱՋՆՈՐԴԱՐԱՆ ՀԱՅՈՑ

Ա.Ս. ՆԱՅԱՆՎԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



Ս. ՅՈՎՀԱՆՆՈՒ ԿԱՐԱՊԵՏԻ ԵՒ ՀՈԼԻԿՈՒՏԻ Ս. ԿԱՐԱՊԵՏ ՄԱՅՐ
ԵԿԵՂԵՑԻՈՅ ԱՆՈՒԱՆԱԿՈՉՈՒԹԵԱՆ ՏՕՆԻՆ ԱՌԻԹՈՎ ՄԱՏՈՒՅԱԾ Ս.
ՊԱՏԱՐԱԳԻ ԸՆԹԱՅՔԻՆ

ՄԵՐ ԾԱՌԱՅՈՒԹԵԱՆ ԿԵԱՆՔԻՆ ՄԵՋ ԱՐԴԱՐՈՒԹԵԱՄԲ, ՀԵՉՈՒԹԵԱՄԲ ԵՒ ՃՇՄԱՐՏՈՒԹԵԱՄԲ ԱՊՐԻՆՔ

ՊԱՏԳԱՄԵՑ ԱՌԱՋՆՈՐԴ ՍՐԲԱԶԱՆ ՀԱՅՐԸ

Ս. Կարապետ Մայր Եկեղեցւոյ անուանակոչութեան տօնին առիթով Կիրակի, Յունուար 16, 2011ին, եպիսկոպոսական սուրբ եւ անմահ պատարագ մատուցեց Թեմիս Առաջնորդ՝ Բարձր. Տ. Մուշեղ Արքեպս. Մարտիրոսեան: Ս. Սեղանին սպասարկեցին Եկեղեցւոյ Հոգեւոր Հովիւ Արժ. Տ. Վիգէն Ա. Բիւյ. Վասիլեան եւ սարկաւագներն ու դպիրները: Ս. Պատարագի ընթացքին կատարուեցաւ ուրարի տուչութիւն Ս. Խորանի ծառայող դպիրներէն՝ Գեորգ Թահմիզեանին:

Իր պատգամ քարոզին մէջ Առաջնորդ Սրբազան Հայրը գնահատեց Գեորգը իր անսակարկ եւ Աստուածահաճոյ ծառայութեան համար: Ան շեշտեց որ 2011 տարուան առաջին տուչութիւնն էր, նկատի առնելով որ Մեծի Տանն Կիլիկիոյ Ս. Աթոռի գահակալ Ն.Ս.Օ.Տ.Տ. Արամ Ա. Կաթողիկոս, 2011 տարին հռչակած էր Մանուկներու Տարի: Ան թելադրեց որ ծնողներ իրենց զաւակներու քայլերը Եկեղեցի առաջնորդեն:

Սրբազան Հայրը ճարակնոցէն մէջբերելով հետեւեալ աղօթքը՝ «Մեզի օգնութեան փութացիր ով սուրբ Յովհաննես, առաքեալ եւ մարգարէ, եւ կարապետ եւ մկրտիչ Աստուածորդիին, մեզի համար բարեխօսէ Զրիստոսին», անդրադարձաւ Ս. Յովհաննես Մկրտիչի անձին ու առաքելութեան մասին: Յովհաննես Մկրտիչ մարգարէներու մեծը եղաւ: Ան թելադրեց ժողովուրդը արդարութեամբ ապրելու: Իր խստակեաց կեանքով, բայց հոգիի ազնւութեամբ օրինակ դարձաւ ժողովուրդին: Սրբազան Հայրը պատգամեց որ այս ուխտի օրը մեզի առիթ ըլլայ մաքուր եւ արդար կեանք մը ապրելու: Ան յիշեց ինչպէս անցեալին Մշոյ Սուլթան Ս. Կարապետ Եկեղեցին, որ հիմնուած էր Ս. Գրիգոր Լուսաւորչի կողմէ, հասած էր փրկութեան հայ ժողովուրդի դժուար օրերուն, այսօր ալ կը հասնի պայմանաւ որ իւրաքանչիւրս մեր ծառայութեան կեանքին մէջ արդարութեամբ, հեզութեամբ եւ ճշմարտութեամբ ապրինք: Այսօր մեր

հոգիներուն մէջ ծունկի գանք եւ բարեխօսութիւնը խորենք Ս. Յովհաննէս Մկրտիչէն որպէսզի մեր հաւատքը զօրացնէ: Եթէ երբեք մենք արդարութենէն շեղած ենք, արդարութեան ճամբուն մէջ դնէ մեզ, եթէ երբեք Աստուծոյ պատուիրաններուն համաձայն չենք ապրիր, մեր կեանքերը փոխէ, որպէսզի Աստուածահաճոյ կեանք մը ապրինք: Մեր զաւակներուն դաստիարակութեան նախանձախնդիր ըլլանք, ինչպէս Չաքարիա եւ Եղիսաբէթ աղօթքով, Աստուծոյ հնազանդութեամբ ապրեցան, այնպէս ալ մենք մեր զաւակներով միասին փորձենք իրենց նման ապրիլ:

Ս. Պատարագի աւարտին, տեղի ունեցաւ մատաղօրհնէք եւ բաժնուեցաւ հաւատացեալ ժողովուրդին: Հաւատացեալներ իրենց տուները վերադարձան հոգեւոր ապրումներով լիցքաւորուած:

Պատարագէն անմիջապէս ետք, եկեղեցւոյ »Կարապետեան« սրահին մէջ տեղի ունեցաւ սիրոյ ճաշ, նախագահութեամբ Սրբազան Հօր, ներկայութեամբ Հոգեւոր Հովիւին, Ազգային Վարչութեան ներկայացուցիչներուն, Ռոզ եւ Ալէք Փիլիպոս Ազգային Երկրդ. Վարժարանի տնօրէնին, Մարի Փոստոյեան մանկամտօրի վարիչին, շրջանի Հ.Յ.Դ.ի »Գարեգին Նժդեհ« կոմիտէի ներկայացուցիչին, եկեղեցւոյ Հոգաբարձական կազմին, Տիկնանց Միութեան, ռումանահայ «Րաֆֆի» Մշակութային եւ Հայրենակցական Միութեան վարչութեան եւ անդամներու, քոյր միութիւններու ներկայացուցիչներուն, Կիրակնօրեայ վարժարանի տնօրէնին եւ ուսուցիչներուն, սարկաւազաց ու դպրաց դասերուն, երգչախումբի անդամներուն, եկեղեցւոյ բարերարներուն եւ բարեկամներուն, եւ հաւատացեալ բազմութեան:

Ընտանեկան ջերմ մթնոլորտի մէջ, բարի գալուստի խօսք արտասանեց Հոգեւոր Հովիւը՝ Արժ. Տ. Վիգէն Ա. Զինյ. Վասիլեան: Սեղաններու օրհնութիւնը կատարեց Առաջնորդ Սրբազան Հայրը:

Տարիներու բարի աւանդութիւն է, որ եկեղեցւոյ անուանակոչութեան նուիրուած այս հանդիսութեան առիթով, Հովիւն ու Հոգաբարձութիւնը պատուեն անձնդիր ու վաստակաշատ ծառայողներ: Այս տարի, յատուկ գնահատանքի եւ պատիւի արժանացան ռումանահայ »Րաֆֆի« Մշակութային եւ Հայրենակցական Միութեան անցեալի եւ ներկայի նուիրեալները:

Տէր Հայրը միութեան պատմականը ըրաւ ծնունդէն՝ 1920-ական թուականներէն մինչեւ օրերս՝ 2011:

Յայտագրի ընթացքին խօսք առին եկեղեցւոյ հոգաբարձութեան ատենապետ Տոքթ. Միսաք Պարսամեան եւ «Րաֆֆի» միութեան ատենապետ Տիար Արա Էքիկեան:

Ապա, Տէր Հայրը հրաւիրեց հոգաբարձութեան ատենապետն ու ատենադպիրը «Րաֆֆի» միութեան ատենապետին յանձնելու յուշատախտակ մը, որ կը գնահատէր միութեան անցեալի եւ ներկայի բոլոր անձնուէր անդամներն ու անոնց ծափահարելի աշխատանքը:

Պաշտօնական յայտագիրին կողքին, իրագործուեցաւ գեղարուեստական կոկիկ յայտագիր մը՝ Ռոզ եւ Ալէք Փիլիպոս Ազգային Վարժարանի եւ Ս. Կարապետ Մայր Եկեղեցւոյ Կիրակնօրեայ դպրոցի աշակերտ-աշակերտուհիներու կողմէ:

Յայտագրի աւարտին, Տէր Հայրը հրաւիրեց Առաջնորդ Սրբազանը, որ միութեան շնորհեց Օրհնութեան Գիր մը: Սրբազան Հայրը գնահատեց միութեան բոլոր անդամները, իրենց կատարած ազգանուէր, հայրենանուէր, եկեղեցանուէր եւ Աստուածահաճոյ գործունէութեան համար:

«Պահպանիչ» աղօթքի օրհնութեամբ եւ «Կիլիկիա» մաղթերգի երգեցողութեամբ վերջ գտաւ օրուան խանդավառ հանդիսութիւնը:

NAME DAY CELEBRATION OF ST. GARABED CHURCH OF HOLLYWOOD

Saturday, January 15th, 2011, was the Feast of St. John the Baptist, which is also the name day of St. Garabed Church of Hollywood.

On this occasion, on Sunday, January 16th, H.E. Archbishop Moushegh Mardirossian, Prelate, celebrated Divine Liturgy and delivered the sermon at St. Garabed Church. Parish Pastor Archpriest Fr. Vicken Vassilian assisted at the altar.

During the service, the Prelate also bestowed upon altar server Kevork Tahmizian the privilege of bearing a stole. During the ceremony he commended Kevork for his service, and noting that H.H. Catholicos Aram I has proclaimed this year to be the "Year of the Armenian Child", urged parents to encourage their children to attend and serve our church.

The Prelate centered his sermon on the life and virtues of St. John the Baptist. Speaking on his piety, faith, and humility, he called on the faithful to let this be a day of spiritual renewal and to live their lives in the example of St. John. He urged them to call upon St. John as their intercessor, praying that he strengthen their faith, and guide them to the path of righteousness and to a God-pleasing life.

The blessing of *madagh* took place after the service, followed by a luncheon at "Karapetian" Hall organized by the Parish Pastor and Board of Trustees.

The luncheon began with welcoming remarks delivered by Archpriest Fr. Vicken Vassilian, followed by the invocation by the Prelate.

Each year during this annual luncheon, individuals are recognized and honored for their service to the church and community. This year's honoree was the Raffi Cultural Association.

Rev. Fr. Vicken gave a brief history of the Association, from its establishment in the 1920's to the present day. He commended the organization and its members who, for ninety years have contributed greatly to the advancement of our schools, churches, and community.

Remarks were also delivered by Board of Trustees Chair Dr. Misak Barsamian, and Raffi Cultural Association Chair Mr. Ara Ekigian, who expressed thanks on behalf of the organization for the honor.

Rev. Fr. Vicken then invited the Chair and Secretary of the Board of Trustees to join him in presenting Mr. Ekigian with a plaque of appreciation and commendation.

The luncheon also included a cultural program presented by Sunday School students and Rose and Alex Pilibos High School students.

The Prelate was then invited to deliver his message. H.E. conveyed his blessings and commendations to the members of the Raffi Cultural Association for their dedication to advancing our community, and presented them with a letter of blessing.

The luncheon came to a close with the benediction by the Prelate, and the singing of the Cilician anthem.